



Publicaziuns dalla vischnaunca, jamna 33

Damondas da baghegiar

2022-1039.000

Datum dalla publicaziun: 19 d'ust 2022

Il patrun: Martin Maissen, Via Clavaniev 33, 7180 Disentis/Mustér

Il representant: Beer Bigliel SA, Via Alpsu 49, 7180 Disentis/Mustér

Object: Niev indrez fotovoltaic vid la fatschada dil baghetg nr. 153, parcella 1365, Via Termasada 4, 7180 Disentis/Mustér

2022-1047.000

Datum dalla publicaziun: 19 d'ust 2022

Il patrun: Edgar Durschei-Keller, Via Ansauna 2, 7186 Segnas

Il representant: Beer Bigliel SA, Via Alpsu 49, 7180 Disentis/Mustér

Object: Niev indrez fotovoltaic vid la fatschada digl edifeci nr. 388, parcella 53, Via Sut Vitg 9, 7186 Segnas

2022-1048.000

Datum dalla publicaziun: 19 d'ust 2022

Il patrun: Bergbahnen Disentis AG, Via Acletta 2, 7180 Disentis/Mustér

Il representant: IPZ Ingenieure + Planer AG, Via Lucmagn 7, 7180 Disentis/Mustér

Object: Midada da diever, magasin en localitads sanitaras, edifeci 707B, parcella 2539, Gendusas 3, 7180 Disentis/Mustér

2022-1049.000

Datum dalla publicaziun: 19 d'ust 2022

Il patrun: Bergbahnen Disentis AG, Via Acletta 2, 7180 Disentis/Mustér

Il representant: IPZ Ingenieure + Planer AG, Via Lucmagn 7, 7180 Disentis/Mustér

Object: Engrondaziun dalla terrassa e modificaziun dil terren, parcella 2932, Caischavedra, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 19 d'ust 2022

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1017.000

Dzevad ed Admira Jasarevic, Via Acletta 13, 7180 Disentis/Mustér; construcziun d'ina casa d'ina famiglia ed in pool, parcella 3924, Via Cafeni 9, 7180 Disentis/Mustér: midada dil project, adattaziun dil mir enviers il stradun cantunal.

Nr. 2022-1025.000

Vischnaunca Disentis/Mustér, Via Cons 2, 7180 Disentis/Mustér; translocaziun dalla senda da viandar existenta, parcella 1806, Péz Plaun Grond (Bostg), 7186 Segnas.

Nr. 2022-1032.000

Dominik Lechmann, Via Raveras 21, 7180 Disentis/Mustér; midada d'intent, engrondaziun dalla surfatscha da habitar, edifeci 772A, parcella 1066, Via Raveras 21, 7180 Disentis/Mustér.



Nr. 2022-1034.000

Clemens e Claudia Berther-Bearth, Via Salez 5, 7186 Segnas; sanaziun interna digl edifeci nr. 394A, remplazzament dallas finiastras e construcziun nova d'in carport, parcella 296, Via Salez 2, 7186 Segnas.

Nr. 2022-1036.000

Albert Spescha, Via Acletta 4, 7180 Disentis/Mustér; nova construcziun d'in esch stuschabel e niev tschabergal tiel plaz da seser, edifeci nr. 281C, parcella 1317, Via Acletta 4, 7180 Disentis/Mustér

Disentis/Mustér, ils 19 d'uost 2022
Uffeci da baghegiar Disentis/Mustér

Vischnanca Disentis/Mustér: Procedura d'approvaziun dals plans per installaziuns a current ferm

Exposiziun publica dals plans

Project nr. S-80760.11, Sutstaziun Mustér 60 kV ed indriz da distribuziun 16 kV – remplazzament per il trafo 2 e spol da stizzar 1&2

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survart.

Dumonda da:

Repower AG Surselva; Via Santeri 74; 7130 Ilanz

Exposiziun publica:

Il documents da dumonda vegnan exponids publicamain dals 18 da avust 2022 fin ils 19 da settember 2022 en la administraziun communal Disentis/Mustér, Via Cons 2, caum postal 577180 Disentis/Mustér. Prender invista pon ins mintgamai durant las uras d'avertura ordinarias. L'exposiziun publica chaschuna in scumond d'expropriaziun tenor ils artigels 42 a 44 da la lescha federala d'expropriaziun (LExp; CS 711).

Protestas:

Tgi ch'è partida tenor las prescripziuns da la LExp, po far valair durant il termin d'exposiziun tut las dumondas tenor l'artigel 33 LExp. Quellas èn principalmain:

- a. protestas cunter l'expropriaziun;
- b. dumondas tenor ils artigels 7–10 LExp;
- c. dumonda d'ina prestaziun en natiralias (art. 18 LExp);
- d. dumonda d'ina extensiun da l'expropriaziun (art. 12 LExp);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er ils locataris ed ils fittadins sco er ils possessurs dal dretg da servitut ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che fa diever da la servitut funsila, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspecturat federal d'installaziuns a current ferm Projects, Luppmenstrasse 1, 8320 Fehraltorf

Cuira, ils 18 da avust 2022
Uffizi d'energia e da traffic dal Grischun
Partiziun per la producciun ed il provediment d'energia



Cussegl da vischnaunca

Il cussegl da vischnaunca seraduna **venderdis, ils 26 d'ust 2022**, allas 20.15 en halla Cons.

Tractandas:

1. Protocol 15-2021/2024
2. Avertura Val Segnas ed Uaul Run: Project e credit (messadi 25-2021/2024)
3. Moziun davart la purschida da glatsch – sclarir variantas pli favoreivlas ed attractivas (moziun M1-2017/2020)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Controlla da habitonts

Naschientscha

Julia Häsch, naschida ils 6 d'ust 2022, feglia da Flurina e Michael Häsch

«Miu emprendissadi ella Cadi»

La fiera da professiuns «Miu emprendissadi ella Cadi» vegn era realisada uonn. **Gevgia, ils 25 d'ust**, denter las 14.00 e las 18.00 han ils giuvenils la pusseivladad da s'inscuntrar cun persunas da differentas professiuns a Mustér ellas localitads dalla firma Casatec sut la staziun dalla viafier a Mustér. Fatschentas denter Tschamut e Breil han giu la pusseivladad da s'annunziar per quell'occurrenza. Rodund 25 differentas firmas han dau suatientscha. Era geniturs ein cordialmain beinvegni da s'entupar cun las interpresas quei di.

Societad da tir Desertina

Tir obligatori 300m a Sedrun la Resgia

Davosa pusseivladad, **dumengia, ils 21 d'ust 2022**, allas 18.00–19.00.

Cordialmein envida *Societad da tir Desertina*

Gruppa da gimnastica senioras

Nus entschevein nossa gimnastica **ils 7 da settember 2022**. Urari: Mintga mesjamna 13.30–14.30, Halla Cons, Mustér. Cordial beinvegni per l'entschatta dalla gimnastica. A tuttas senioras che han tschaffen e motivaziun da semuentar. Sche ti has plascher dalla gimnastica, neu e fai ina viseta nunligionta tier nus.

Ad in bien e frestg seveser
Las menadras
